

清豐縣志卷之八

忠節 附死事

人臣補袞彤墀建節闔外皆可以報主而致命爲難南將軍以美與智勇誓死封疆劉御史以鐵面言官逆鱗犯主殺身成仁均稱無愧矣志忠節第二十一

唐

南霽雲魏州頓丘人少微賤爲人操舟祿山反鉅野尉張沼拔以爲將尙衡擊汴州賊李廷望以爲先鋒遣至睢陽與張巡計事退謂人曰張公開心待人眞吾所事也遂留巡所巡固勸歸不去衡齎金帛迎霽雲謝不受乃事巡巡厚加禮始睢陽被圍築臺募萬死一生者數日無敢應俄有暗鳴而來者乃霽雲也巡對泣下遣乞救於賀蘭進明進明嫉巡遠功出已上不肯出師愛霽雲勇且壯疆留之具食與樂延霽雲坐霽雲慷慨興曰雲來時睢陽人不食月餘矣雲雖欲獨食義不忍即食亦不下咽因拔所佩刀斷一指血淋漓以示賀蘭一座大驚皆感激爲雲泣下雲知賀蘭終無出師意卽馳去將出城抽矢射佛寺浮圖矢著輒半箭曰吾歸破賊必滅賀蘭此矢所以志也未幾城陷賊以刃脅降巡不屈卽牽去將斬之又降霽雲雲未應巡呼雲曰南八男兒死耳不可爲義屈雲笑曰欲將以有爲也公有言雲敢不死遂死之霽雲素善騎射見賊百步內乃發無不應弦而斃子承嗣

南承嗣霽雲子肅宗以其父死節官之時年方七歲後歷婺州別駕施州涪州刺史鎮冀州王承宗拒命承嗣請討之劉闢叛以無備謫永州

明

劉禎幼好學手不釋卷登永樂己未進士任監察御史立廟不避權倖聲稱凜然常與櫬上疏指陳時事言甚激切以是撻逆鱗之怒卒殞其軀士論惜之

死事

附

崇禎壬午清兵南下河北郡縣望風瓦解清邑拒守八日城始失守一時殉難官紳士民死非一途然正氣所鍾可追南劉之遺蹟並附以垂不朽

職官

縣丞牛維宇

陝西商州人

典史張先芳

河南人

訓導曹一貞

宛平人

訓導董調元

安肅人

以上四官或治兵或督糧城破俱以身殉兵科傳振鐸親祭撫按具題旌表

鄉官

李其紀萬歷丙辰進士吏部文選寺郎中崇禎庚辰辛巳凶荒頻仍人相食煮糜賑濟活人以萬計壬午傾家貲供城守力竭心瘁城破被執以刃逼之厲聲不屈飲刃體無完膚而死撫按旌表

鄭獻詩以明經授漢中推官遷慶陽府同知壬午之役率紳衿共圖城守先集婦子訣別於是傾囊資餉與弟獻書守城城破被執厲聲不屈衆驚異乃釋獻詩而欲殺獻書獻詩手抱獻書曰此乃吾弟又多病願代弟死衆笑其癡曳之去獻詩堅抱不捨衆刀亂下兄弟知不免同聲罵詈遇害兩院題表

侶鶴舉字建翎崇禎丁丑進士湖廣黃州府推官以母喪廬墓兵至家人告以避不從被執厲聲求死兵怒矢中左脇展轉死墓側兵科傳振鐸驗屍孝狀具題兵備朱公庭煥祭之曰死忠死孝爲真不死入鄉賢

鄭獻書獻詩胞弟以太學生授苑馬寺清平監監正壬午之變被執不屈兄弟爭死一時被害兩院題表

蔣燮明以明經授登州別駕遷晉藩長史壬午之變年八十餘猶能負石擊敵城破被執不屈死

杜斗愚萬歷己酉舉人浙江富陽令罄家資以圖城守城陷被執不屈死

呂世興由廩監任江西按察司經歷城陷不屈死

以上七官或由科目或由貢監位之尊卑不等而同爲王臣義不苟活其志真足千古舉人

李名家 戊午 張化行 甲子 王良士 丙子廩生王道隆父

侶鴻舉 己卯 劉起淵 己卯

以上五人慷慨以身殉賢書中不可多得者

監生

朱世燦 呂經 李日升 李日宣 譚永光 王建極 王建猷 秦時英 賂王素

郭維謙 張印賢 附監母傅氏守節印賢死節邑人稱爲雙美

以上十一人俱城破被害莫謂太學中鮮人傑也

生員

岳貢椿

廩生剛明果敢登陴鼓衆面中數矢而死

楊愈盛

趙文斗

杜駿

朱際盛

遼鼎養

王之祥

黃業偉

王好仁 謝廷選

呂世顯

毛永貞

姚光前

李合矩

楊澤民

侯維新

李彬

宋秋山 劉英士

賈執中

侯國石

夏秉乾

邵開泰

邊執躬

王民偉

呂偉

李時行 李吐葩

李晉貞

楊愈峻

張蘊秀

曹景濟

蕭元韻

王良翼

曹景白

馬載瞻 李仰高

高養素

閻文銓

王九光

王爾成

王大觀

魏兆熊

劉鳳舞

韓桂 蔣瑜

彭嗣鎮

沈正

李印秀

劉大業

張學禮

趙一鵬

邵曜

高銓 高宏英

王履素

李振秀

司馬應午

程復起

朱際昌

金甌

李日暢

李鯤 張啓秀

樊許

張國梁

高愈謙

劉播

韓鼎新

孫發蘭

郭維嶽

劉侯 劉金

朱際隆

羅入穀

袁淳

李國昌

張爾茂

劉杰士

徐開基

傅爾矧 郭秉龍

陳疇

陳慎德

趙應熊

常憲王

李惟一

李在藻

以上八十八人或死於戰或死於守或死於刼皆殺身以殉不負澤宮之賢

義民

夏士選

以鄉老輸資助餉衆義民共推爲首城破死之

郭九經

廩生郭衛宸之父

杜遇春

李國英

王之印

王爾範

岳鳳喈

以上七人非士非兵奮身殉城義尤足重

義兵

翟三省

生員三鯨胞弟同兄倡義起民兵數百赴援城八日不陷力竭身死

郭尙靜

郭尙訓

莊其名

王以興

郭言信

莊誠

郭名芳

郭尙信

張家麟

鮑國孝

安大山

朱朝英

房子好

王家全

王士

劉東位

呂愛民

呂君聘

呂君位

呂君所

焦大李

張印

陳士宦

吳景元

班際弦

李存實

杜邦英

楊登隆

李旺

閻海

張奇豪

侯良

李兆民

李心一

李養蘭

朱進喜

趙騰隆

高尙册

郭東藩

吳興旺

任興譽

夏繼鳳

吳從命

袁實栗

袁仲傑

袁仲良

袁國瑞

袁景曙

袁運

薛登魁

李遇春

孫治吉

劉芝

李進來

傅見圖

白貴榮

朱化奇

劉映斗

邢士好

李登選

李名林

王來召

宋明科

孔三位

孔三思

田登起

牛科

李應魁

仲大美

趙安民

李自富

李國楨

賈三卿

賈守汴

陳紅春

宋和貴

費秉哲

李文明

杜連功

杜光川

呂光雲

呂文考

崔萬民

郭尙禮

王繼業

蘭登瀛

王秉衡

王繼美

張國民

梁執中

梁登雲

梁臘他

梁二考

楊三官

徐騰霄

張隨

徐三友

王萬兵

王治隆

王永壽

王登選

王景福

王大統

王加升

王希羅

劉長子

史進選

王大

魏光大

孟道曾

郭如海

鄭子良

以上一百一十三人草莽知義視死如飴亦足傳也

清

太僕寺卿王公懷清字鏡泉四川定遠人幼繼安徽懷寧宰族叔慶源慶源生子復歸本生父父鏞號竹堂太僕亡後官清河縣宰咸豐間洪秀全盜據大江南北擾及山東十一年濮州

王來峯劉占考假辦團防得衆遂反蹂躪清豐者屢矣前縣令稱病去太僕以開州州判奉大名兵備道王榕吉檄來代理時年二十六歲是時鄉團馬學孟王殿忠高經晁廷舉高配道李登朝韓春成侶勰劉長德張同堂盧振三張國太王掄元劉含華張太和郭連成史周書岳春林等各率鄉兵互爲犄角殺賊無算太僕既抵任聞警即出糾集各鄉團破賊於十八戶張二莊武強鎮衛城車川口確山廟各處又出奇兵大破賊於賂家河又奉府檄搜勦餘匪於濮之桐城營飼鶴池賊勢益蹙而愈思西向一逞以大肆其凶鋒是年八月十八日賊糾衆萬餘結營於山柳砦太僕疾督各團進攻王殿忠扣馬請還太僕不聽曰我督戰兵之勇氣自倍賊易與也乃縱馬馳之團兵如牆而進交綏久之自寅至巳俘殺過當賊潰而復集四圍我軍太僕槍斃數賊突圍將出悍賊槍傷太僕墜馬遂遇害馬學孟王殿忠瞥見驟馬於賊隊賊皆辟易遂大敗之奪太僕屍以歸凶問至署太僕夫人何淑人痛絕誓從九泉室人力勸謂有遺腹以重嗣續以慰雙親九月子男生名秀豐字衛臣事聞賜卹太僕寺卿世襲騎都尉縣人爲立專祠於東關外墓在祠後即於遇害之日起廟會會首收貲以永香煙

死事

附

張同寅廩生張同律舉人與兄舉人同堂團練鄉勇禦東匪屢與賊戰後賊大至同寅同律敗爲賊所執不屈死

宋振山英林里人幼躬耕事瞽母以力聞而未嘗忤人爲東匪所擄罵賊不忠不孝賊愛其勇

魯之從振山給之曰欲我從解我縛賊從之乃奪刀斃數賊賊亂砍之將死猶罵不絕口

岳照堂庠生東匪亂從鄉塾出被執不屈罵賊死

咸豐十一年東匪之亂傷亡鄉勇萬全貴等七百五十九人又補報陣亡鄉勇劉天才等三十

八人

以上陣亡鄉勇俱附祀王公祠有石刻詳其姓氏茲不再贅


咸豐十一年東匪之亂殉難士民倡青竹等一千四百八十八人殉難婦女趙董氏等九十六

人

以上共一千五百八十四人

同治七年三月二十一日捻逆張總愚竄擾西北鄉被殺鄉團勇丁四十五人女二人

以上共四十七人



貞烈

自古婦德壺範流聲彤管者代有名媛豈必斷臂截耳始不愧巾幘哉然四德雖備一死誠難彼從夫九原捐軀明義以及養親撫孤冰霜沒世者鬚眉男子言之汗下區區紙上流芳尚可令其湮滅不傳耶志貞烈二十二

明

夏氏夏克敬女邑人蒲矩妻年二十四夫亡子羣二歲夏孝養舅姑訓子入太學正統三年詔旌之祀烈女祠

張氏王俊妻年二十三俊死孀居養舅姑克盡孝敬成化五年旌表

王氏趙宗妻年二十夫死孀居養舅姑撫幼子四十餘年不易節成化五年旌表

以上三人是節婦

劉氏名翠女魏景芳妻嫁未週歲而夫故劉摧傷哀毀死而復甦移時自經於密室遂與夫同葬弘治乙丑旌表

楊氏名布娥邑巡檢璣孫女年十六值正德辛未流賊之亂女奔匿他所爲賊所獲欲犯之女乞哀誓不相從賊以死懼之女厲聲曰殺即殺耳豈從汝匪類耶賊怒殺之巡按御史施公以聞詔旌表

張氏名金臺年十八正德辛未流賊至其家欲犯之金臺力拒厲聲唾罵且以手毆賊破面身被數創罵不絕口而死御史施公以聞詔旌表

楊氏名粹玉楊武之女年十七正德辛未流賊至肆汙女即持大梃擊賊賊呼黨肢解之御史

施公以聞詔旌表

孔氏名穿臺年十五聞流賊至急匿賊搜得之逼令上馬女知前有井即給賊曰某不慣乘馬請以步從至井遂投溺而死施御史以聞詔旌表

王氏姜從仁妻年二十有三賊至抱一歲兒奔逃賊追及氏投井死巡按施公以聞詔旌表
朱氏張良玉妻年二十一夫歿孀居四十餘載守志不渝嘉靖三十七年知縣李汝寬申請旌表

韓氏義官李澤妻澤故時韓年二十四子在襁褓舅姑相繼歿韓矢志靡他教子有方守節五十載知縣李汝寬申請旌表

賈氏韓太妻太歿賈年二十事舅姑撫幼孤始終冰蘖自勵知縣李汝寬表揚之

王氏武傑妻傑歿王年二十四孀居守志始終不渝知縣李汝寬表揚之

以上四人節婦

耿氏宋守宅繼室姑老而目盲耿服勞敬事始終靡懈前室劉遺一子耿親愛如已出後夫死耿哀毀踰禮隨自經以殉知縣李汝寬表其門

楊氏廩生朱憲武妻武早逝楊年十九孀居六十餘年以壽終猶子朱冠以母事之及成進士屢陳苦節萬歷三十五年御史錢公以聞詔建坊旌表

許氏王宗周妻王卒許年二十守志終身不渝萬歷三十六年御史孔公以聞詔旌表

傅氏廩生張養蒙妻夫歿傅年二十四遺腹生印賢養育成立補弟子員傅年逾七旬御史劉

公以聞詔旌表

呂氏席學亮妻侍郎呂時中季女夫卒遺孤半歲呂苦育成立萬歷四十八年御史胡公以聞
詔旌表

朱氏韓進選妻吏部朱冠妹夫卒朱年十九遺孤一歲朱堅志身殉翁姑百勸不從乘夜自縊
幸救不死遂脫簪珥買棺以葬夫天啟四年御史劉公以聞詔旌表

呂氏裴學增妻侍郎呂時中長女夫死無子呂哀毀幾死年甫十八育姪爲嗣孝養舅姑八十
五歲卒萬歷四十二年知縣顧師曾表其門

高氏遂懋昭妻夫死子幼高年二十一家貧如洗苦節育子成立遊泮萬歷三十九年知縣翁
愈祥旌獎之

侯氏邑增生傳好問妻鄉賢侯燦次女早孀守節能仰事俯育有司匾其門

以上八人皆節婦

陳氏苑馬寺監正鄭獻書繼室十六歸鄭奉公姑以孝聞相夫以勤持家以儉崇禎壬午城破
偕嫂扈氏詣家廟泣拜畢拔刀自刎嫂喉未絕以救得活氏頸斷立殞兩院具題旌表

宋氏陳嘉祥妻年二十夫故撫孤子伯叔欲奪其志氏以死誓鄉人重其節申請按院匾其門
朱氏韓進美妻年十八夫故誓以身殉水漿不入口者三日其姑百勸始就飲食後守節四十
餘載萬歷三十五年知縣顧師曾申請旌表

劉氏李邦典妻年二十二夫故守節五十餘年天啓初知縣陳此心申請旌表

黃氏裴學德妻年十九夫故數日不食誓與同穴舅姑苦勸始食堅守五十餘年天啟二年知
縣潘士聞申請旌表

楊氏閻子槃妻年十九夫故舅姑先亡併無伯叔止有一子方月餘氏矢志堅守五十餘載天啓二年知縣潘士聞申請旌表

孫氏盧邦曾妻年十八夫故守節六十年天啓二年知縣潘士聞申請旌表

王氏張奇策妻年二十有二夫故堅守五十餘載天啓三年知縣潘士聞申院以聞詔旌表

張氏傅作鹽妻夫歿痛哭數日不食衆嫗苦勸始食守節四十餘載崇禎元年知縣宋應亨申請旌表

劉氏權居奇妻年十九夫故入室自縊鄰人解救復甦守節四十九年崇禎三年知縣宋應亨

申院旌表

以上十八
皆節婦

呂氏朱庚星妻崇禎甲申逆闖兵至夫被殺氏殯夫城外歸家自縊邑人高其節爲立傳

呂氏杜台愚妻侍郎呂時中孫女生子三月夫故時年二十四堅志守節孝養舅姑撫恤孤子

崇禎十年知縣張星申院旌其門

此節婦

葛氏石顏士妻素守家教不出閨闔有惡少窺其姿色黑夜冒充葛氏本夫敲門氏喊叫惡少走葛氏羞忿自縊崇禎十一年知縣張星申請旌表

高氏舉人侶鴻舉妻壬午圍城氏與夫訣別正衣坐室內城陷不屈死

馬氏廩監李其祥妻壬午城陷氏拜舅姑與其夫持刀欲刎僕婦奪之未遂兵至厲聲求死兵

怒身中數刀而死

張氏生員高詮妻壬午城破出逃東走遇兵遂持佩刀自刎夫亦被殺

王氏生員陳更新男婦壬午兵至欲犯之氏厲聲曰殺即殺耳豈從汝耶兵怒殺之

以上三人烈婦

李氏李養氣女年十五壬午城破兵欲犯之力拒不從以手擊兵面兵怒以刀劈其腦而死

呂氏觀城廩生張灝妻壬午城被圍氏姑與夫皆在觀城乃東望拜以死自誓城陷投宅內井

中死

傅氏生員郭爲典妻壬午城陷兵脅以刃氏陽緩之遂投井中衆猶投以瓦石而死

以上二人烈婦

傅氏生員傅作元女年十七壬午城陷始匿被搜獲乃給衆以爭分財賄遂乘間投井死

孟氏南樂縣萬世祚妻壬午城陷不屈死

此人烈婦

任氏王畜寬妻崇禎壬午城陷不屈死

釋氏稱刀兵爲小三劫之一似乎前定無可逃避又似乎同難不足重輕然生長於不見兵革之日而官紳士庶同心戮力效死勿去其初心皆爲一丸城守以至身膏白刃而不顧上之勤事下之知方無貴賤皆不可混也豈得以崑岡之火概置劫灰乎前人已先余而爲之表志者余敢不因舊而加詳之至婦女之死尤不可不傳另附於貞節之末

楊燦識

清

白氏江甯同知馮瑞繼室順治五年九月山東賊張七擄掠馬村集氏被縛罵賊不屈賊怒被數刀死時年二十歲御史蘇公給匾旌獎

王氏倡鸞舉妻夫卒氏年十八事舅姑撫幼子勤苦百倍及舅姑卒殯殮成禮學院王公具題旌表

岳氏杜辰愚妻夫病故氏年二十哭絕者數次親戚勸之曰夫未葬女未聘可死乎始強就飲食數遇歉歲或竟日不爨或多無棉衣其志愈勵年七十有三知縣高文鑑旌其門

曼氏田登盈妻年二十一夫亡子玉璽尙在襁褓痛悼哀毀誓志撫孤後玉璽任山西萬泉縣尉有治聲年七十三而卒知縣高文鑑申請旌表

王氏生員杜驢妻驢故氏年二十二矢志守節勤儉持家義方訓子四十年足不踰閭知縣吳維圻給扁獎之

唐氏禮部儒士王楠妻楠故氏方二十歲哀毀骨立勺水不入口者數日舅姑苦勸始就飲食年逾八旬鄉里高其節公舉於縣申請旌表康熙間奉旨建坊入祠

張氏生員傅爾晟妻晟卒氏年二十七投繯者數次親屬力勸乃悟曰死節易守節難吾當爲其難者遂栢舟自誓義方訓子後二子相繼入泮

袁氏拔貢岳貢瑞妻年二十夫故姑老子幼氏奉姑盡孝卒葬以禮撫幼子成立守節四十餘年邑里重之

楊氏李士極妻氏年十九夫故痛悼哀毀不可言狀矢志栢舟不以貧窶易操年八十一卒

馮氏岳貢璫妻璫歿氏年十九栢舟自矢事親撫幼備盡孝養居常未見有笑容守節五十年如一日云

李氏張一魁妻金華知府養正孫婦也事公姑以孝處妯娌以和夫於壬午殉難氏於萬屍中負夫骸歸殯殮如禮年六十卒

劉氏曹景躋妻躋於壬午殉難氏年二十八翁姑在堂二子尚幼仰事俯畜悉取辦於紡織舅年八十七終姑九十有七氏六十餘猶恪執婦道

武氏李世昌妻夫卒氏年二十子身零丁守志終身

郭氏魯子登妻夫故氏年十九堅貞守死初終不易奉事公姑克盡孝道撫育幼子悉遵義方卒年七十有五

范氏張世儒妻性端莊年十六夫亡嚴正自持終身不見嬉笑歷五十年如一日鄉里重之王氏程世好妻年十八夫故撫幼孤事八十舅姑孝養盡禮守節四十五年卒年六十有三丁氏彭穎母幼年夫亡中年子死撫養幼孫孤苦一世卒年八十餘

李氏任遐宗妻年十八于歸生一子一女夫亡哀毀幾不欲生公姑泣勸方強起經理之日夜紡織孝事公姑及公姑壽終盡哀盡禮年已七十其淑靜溫和貞風可敬殆所謂從容就義者也

陳氏徐登仕妻有鄰人某強姦不從投井身死刑部臨府審明具題旌表

侯氏監生呂庚母夫早亡氏年二十姑七十餘庚方三週氏以媳職代子職以母道兼父道養姑教子孝慈可嘉六十八歲猶總理家務勤儉自勵

孫氏趙昶妻年十九夫卒止一女方數月苦節自甘以胞弟趙晟子爲嗣終身不履戶外編入縣志以彰節義

潘氏生員劉養元母夫亡時氏年二十六元甫七歲苦志堅守延師訓子終能成立知縣陳雅

琛以幽閨堪式四字褒之

馮氏張柱繼室年十六適柱家未數年柱亡子女俱無甘志守節孝事公姑撫前子如己出鄉里公舉給匾旌表

王氏李文元妻時值瘟疫舅姑與夫相繼而沒氏殯葬如禮矢志堅貞及子成立善承母志壽八十九聞之官表其門曰節孝濟美

邵氏監生靳文燦母年二十四夫亡公姑年高子尙懷抱立志堅守及燦成立備極色養卒年九十歲一門之內節孝兩全

以上二十三人皆節婦

梁氏監生李所叙次男婦繁水御史公孫女年二十生一子尙在懷抱夫病罷妝減膳憂愁悲泣及夫亡大呼仆地急救方甦潛入房中閉房不出家人破窗而進氏已縊死鄉紳義之公舉於官知縣胡欽給匾旌表

胡氏許豆村谷門婦也年十八夫年十六夫婦貧居日晚夫出觀劇夜半方歸見其妻倒臥院中血流滿地遂呼鄰地赴縣呈報及檢驗氏身刀口無數指髮盡落頭亦幾斷據死狀貞烈可知值考試合郡諸生憐之公呈學院給匾旌表委員代祭題曰冰心鐵骨邑紳耆千餘人共爲立碑致奠莫不感慨灑淚

吳氏李楷妻從楷隨父任三年夫亡吳年二十即欲以身殉難公姑力勸乃止扶櫬回籍殯

師氏王林妻媳任氏林子汝礪妻也師十餘歲適林公姑前歿相夫持家未幾生子子生父亡